


(կազմված է «11» 2021թ. և բաղկացած է 5 թերթից)
Տպագրված է ընդհամենը 3 օրինակ
Օրինակ 1

ՀԱՍՏԱՏՎԱԾ Է

Քրիստոնեա-ժողովրդավարական
կուսակցության «11» հունվար 2021թ.
հիմնադիր համագումարի որոշմամբ
(արձանագրություն թիվ 001)

Կուսակցության նախագահ
Լևոն Շիրինյան



ԳԱՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

26» 02 2021

Գրանցման համարը՝ 211/172/1165148

ՀՎՀՀ՝ 00495599



**ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ԾՐԱԳԻՐ**

**ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆ
ԾՐԱԳՐԻ ՀԻՄՆԱԴՐՈՒՅԹՆԵՐ**

ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆԸ (ՔԺԿ) Հայաստանի Հանրապետության քաղաքացիների կամավոր միավորում է, որի նպատակը հանրաքվեներին, պետական և տեղական ինքնակառավարման մարմինների ընտրություններին մասնակցելու և հասարակության ու պետության քաղաքական կյանքին մասնակցության այլ ձևերով ժողովրդի քաղաքական կամքի ձևավորմանն ու արտահայտմանը նպաստելն է:

Կուսակցության գործունեությունը հիմնվում է անդամության կամավորության, անդամների իրավահավասարության, սեռից, ռասայից, մաշկի գույնից, գույքային վիճակից, ծնունդից, հաշմանդամությունից, տարիքից կամ անձնական կամ սոցիալական բնույթի այլ հանգամանքներից կախված խտրականության արգելման, կուսակցության անկախության, ինքնակառավարման, կոլեգիալության, գործունեության թափանցիկության, հրապարակայնության և հաշվետվողականության սկզբունքների վրա:

Քրիստոնեա-ժողովրդավարական կուսակցությունը ինքնուրույն է որոշում իր ներքին կառուցվածքը, նպատակները, գործունեության ձևերն ու մեթոդները, կուսակցության մարմինների ձևավորման կարգը, որոնք չեն կարող հակասել ժողովրդավարական սկզբունքներին:

ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆԸ (ՔԺԿ), հետամուտ աստվածաշնչյան արարչագործության հավատամքին և ընդունելով, որ Մովսեսն իր մարգարեություններում մարդկային ցեղի վերանորոգությունը դրեց Հայաստանում, որ ջիրեղեղից հետո Հայաստանում սկսվեց ավերված աշխարհի վերակենդանացումը, նպատակ է դիտում հայ ժողովրդի արժանապատիվ, բարեկեցիկ ու անվտանգ կյանքի ապահովումը և հայոց պետականության վերակերտումը, արդիականացումն ու մշտնջենական զարգացումը:

ԱՆՀԱՏԸ ԵՎ ՊԵՏՈՒԹՅՈՒՆԸ

- Քրիստոնեական բարոյականությունը և մշակույթը, ժողովրդավարությունը, որոնք ունեցել են և ունեն հիմնարար նշանակություն հայ ժողովրդի և Հայաստանի մշակութային ու քաղաքական կազմակերպման համար, պետք է լինեն պետության վերակերտման հիմնաքարերը: Արժանապատվությունը և մարդու անօտարելի իրավունքները որոշում են հանրային իշխանության սահմանները:
- Մարդու քաղաքական իրավունքների և խղճի ազատության իրավունքի ապահովումը պետության և հասարակության ներդաշնակ կյանքի կազմակերպման կարևորագույն գրավականներից է:
- Արդարադատության, իրավահավասարության և իրավունքի գերակայության ապահովումը յուրաքանչյուրի համար սոցիալական իրավական պետության ստեղծման և անխափան գործառնության հիմնաքարերն են:

- Ազգի և պետության համար ընտանիքի նշանակության ճանաչումը քրիստոնեական արժեհամակարգի շրջանակներում առաջնային կարևորություն ունեն հայկական պետության և հասարակության համար:

ՏՆՏԵՍԱԿԱՆ ԵՎ ՍՈՑԻԱԼԱԿԱՆ ՈԼՈՐՏ

- Հայաստանի Հանրապետության ազգային տնտեսական համակարգը պետք է ունենա սոցիալ-շուկայական ուղղվածություն: Ցանկացած ժողովրդի հզորության չափման միավորը թույլերի բարեկեցությունն է: Հետևաբար երկրի սոցիալ-տնտեսական զարգացման հավասարակշռումը, կոորդինացումն ու ներդաշնակումը սոցիալ-տնտեսական քաղաքականության մշակման և իրականացման հիմնական պայմաններն են: Ժամանակակից Հայաստանի զարգացման հիմքում գիտաարդյունաբերական և ագրոարդյունաբերական համալիրների ստեղծումը սեփական հումքի հիմքի վրա:
- Տնտեսական համակարգի ուշադրության կենտրոնում մարդն է, զարգացման նպատակը՝ քաղաքացու ստեղծագործ ներուժի խթանումը:
- Տնտեսությունն իր էությամբ սոցիալական ոլորտ է, իսկ մարդիկ՝ երկրի քաղաքացիները՝ տնտեսական գործընթացների ակտիվ մասնակիցներ: Տնտեսական հարաբերությունների բնույթը պետք է լինի այնպիսին, որը կապահովի տվյալ հարաբերությունների բոլոր սուբյեկտների սոցիալական պատասխանատվությունը՝ սոցիալապես կայուն զարգացման համար:
- Սոցիալապես կայուն զարգացման համար հարկավոր է քաղաքացիների լայն շրջանակների ներգրավվածությունը սեփականության տնօրինման ու կառավարման գործում: Սեփականության պետական, խառը և համակցված ձևերի զարգացումը ընդլայնում է սոցիալական կայունության վրա ազդելու և այն պահպանելու հնարավորությունները:
- Տնտեսական ակտիվության հիմնական սկզբունքները տնտեսական արդյունավետությունն ու սոցիալական արդարությունն են: Անհրաժեշտ է ստեղծել այնպիսի օրենսդրական համակարգ, որը կապահովի աշխատողի և գործատուի հավասար և համատեղ պատասխանատվությունն ու իրավունքները, որը տնտեսության ու հասարակության մեջ կառաջացնի նոր սոցիալական կարգ՝ ուղղված եկամուտների արդարացի բաշխմանը, ինչն էլ կհաղթահարի սոցիալական բևեռացումը: Անհրաժեշտ է կանխել անհատների և կազմակերպությունների ձեռքում տնտեսական հզորությունների այնպիսի կենտրոնացումը, որը կվտանգի տնտեսական և քաղաքական ազատությունները:
- Սոցիալապես կայուն զարգացման համար հարկավոր է քաղաքացիների լայն շրջանակների ներգրավվածությունը սեփականության տնօրինման ու կառավարման գործում: Սեփականության պետական, մասնավոր, խառը և համակցված ձևերի զարգացումը ընդլայնում է սոցիալական կայունության վրա ազդելու և այն պահպանելու հնարավորությունները:
- Հաշվի առնելով մարդկության քաղաքակրթական զարգացման նոր տեղեկատվական-տեխնոլոգիական զարարգացման փուլը, անհրաժեշտ է ստեղծել ժամանակակից գիտելիքահեն տնտեսություն:

- Մանր և միջին ձեռնարկատիրությունը պետք է լինի պետության հոգածության և աջակցության ներքո:

ՄՇԱԿՈՒԹԱՅԻՆ ՈՒՈՐՏ

- Հայ հասարակության և պետության առողջ և հաբատն գոյության հիմքը և անհատ-հասարակություն-պետություն սոսնձող նյութը մշակույթն է:
- Հանրակրթության կազմակերպումը պետք է հիմնած լինի մշակութային-քաղաքակրթական դաստիարակության համատեքստի վրա:
- Ծնողների, ընտանիքի և պետության պատասխանատվության բարձրացումը երեխաների դաստիարակության և բարեկրթության գործում:
- Ճանաչելով Հայաստանյայց Առաքելական Սուրբ Եկեղեցու (ՀԱԵ)՝ որպես ազգային եկեղեցու բացառիկ առաքելությունը, ինչպես նաև Ընդհանրական ու Ավետարանական (բողոքական) եկեղեցիների դերակատարությունը հայ ժողովրդի հոգևոր կյանքում, նրա ազգային և դասական մշակույթի զարգացման և ազգային ինքնության պահպանման գործում՝ միաժամանակ ապահովվում է խղճի, մտքի և դավանանքի ազատությունը:

ԲՆԱՊԱՀՊԱՆՈՒԹՅԱՆ ՈՒՈՐՏ

- Նկատի ունենալով այն կարևոր հանգամանքը, որ Հայաստանի Հանրապետությունը պետք է դառնա գիտաարդյունաբերական ու ագրոարդյունաբերական բարձր զարգացած պետություն՝ անհրաժեշտաբար և տրամաբանորեն առաջնային կարևորության նշանակություն է ձեռք բերում բնապահպանական խնդիրը:
- Առողջ բնական միջավայրի, բնության պահպանությունը, մարդու և բնության ներդաշնակ կյանքի ապահովումը ստանում է կենսական նշանակություն, և անհրաժեշտ է, որ այն գտնվի պետության բարձր հոգածության և պաշտպանության ներքո:

ԱՆՎՏԱՆԳՈՒԹՅԱՆ ՈՒՈՐՏ

- Նկատի ունենալով աշխարհակարգի հարափոփոխ և, երբեմն, անկայուն վիճակը՝ տարածաշրջանային և միջազգային անվտանգության ապահովումը և դրան ուղղված ջանքերի որոնումը կենսական նշանակություն են ձեռք բերում: Այս համատեքստում՝ ՀՀ և ԱՀ անվտանգության խնդիրները, անխոս, կապված են նաև հենց այդ միջազգային և տարածաշրջանային անվտանգության միջավայրի հետ: Հետևապես, մեծ է նաև Հայաստանի Հանրապետության պատասխանատվությունը այսրկովկասյան և Մերձավոր ու Միջին Արևելքի տարածաշրջանային անվտանգության ապահովման և

դրան ուղղված քայլերի գործում: Տարածաշրջանում ժողովրդավարական արժեհամակարգի և ընկերակցային (կոնսոցիատիվ) ժողովրդավարական քաղաքական կյանքի կազմակերպումը անպայմանորեն կհանգեցնի անվտանգության շեմի բարձրացմանը և ամրապնդմանը:

ԱՐՏԱՔԻՆ ՔԱՂԱՔԱԿԱՆՈՒԹՅԱՆ ՈՒՈՐՏ

- Հայաստանի Հանրապետության արտաքին քաղաքականությունը անհրաժեշտ է, որ բխի բացառապես հայաստանակենտրոն և հայամետ դիրքորոշումից: Մտածողության այս ընկալման շրջանակներում էլ պետք է իրականացվի ՀՀ արտաքին քաղաքականությունը հիմնված արարչագործության ելակետային նախասահմանման ու ՀՀ ազգային-պետական շահերի ճանաչման, միջազգային իրավունքի, պետությունների և միջազգային կառույցների հետ փոխգործակցության և դաշնակցային հարաբերությունների վրա:

• Նկատի ունենալով հայ ժողովրդի՝ 20-րդ աննախադեպ կորուստները և այսրկովկասյան ու միջին արևելյան տարածաշրջանների երկրաքաղաքական գերբարդ իրողությունները, առաջարկվում է ՀՀ երկրառազմավարական կենսագործունեության գլխավոր ուղղություն դիտել անուղղակի գործողությունների ռազմավարական սկզբունքը: Ի վերջո, Հայաստանը կարող է դառնալ խոստումնալից և հավակնոտ պետություն տարածաշրջանում: